

# Skýrsla stjórnarformanns 2012

## STÖRF STJÓRNAR

Frá aðalfundi SAM 1. mars 2012 hefur stjórn SAM haldið fimm bókaða fundi.

Meðal verkefna sem stjórn SAM hefur unnið að frá síðasta aðalfundi var skipan fulltrúa í Verðlagsnefnd mjólkuriðnaðarins, en skipuð voru fyrir hönd SAM þau Pálmi Vilhjálmsson og Guðrún Sigurjónsdóttir og til vara Einar Sigurðsson.

Þá var skipað í Fræðslunefnd mjólkuriðnaðarins, en af hálfu SAM voru skipaðir Guðni Ágústsson, Björn S. Gunnarsson og Baldur Jónsson og af hálfu LK var Baldur H. Benjamínsson skipaður í nefndina. Stjórn SAM tilnefndi Jón Axel Pétursson sem fulltrúa sinn á aðalfund IDF sem haldin var í Höfðaborg í Suður Afríku í október 2012. Einnig sat Bjarni Ragnar Brynjólfsson skrifstofustjóri SAM og ritari IDF á Íslandi fundinn.

SAM gerði tillögu um greiðslumark mjólkur verðlagsárið 2013 og fjallaði um mjólkuruppgjör ársins 2012.

Auk ofangreindra verkefna var reglulega fjallað um framleiðslu, sölu og birgðir mjólkurvara.

## FRAMLEIÐSLA OG SALA MJÓLKURVARA 2012

Mjólkurframleiðsla jókst á árinu 2012 og var 125,1 milljónir lítra hjá aðildarfélögum SAM en árið 2011 var framleiðslan 124,5 milljónir lítra.

Meðalinnvigtun mjólkurinnleggjenda 2012 var 187.265 lítrar og jókst um 4.036 lítra á árinu. Mjólkurframleiðendur í árslok voru 668 og hafði fækkað um þrettán á árinu.

Greiðslumark verðlagsársins 2012 var 114,5 milljónir lítra. Hjá aðildarfélögum SAM var tekið á mótí 125.092.988 lítrum og mjólk umfram greiðslumark var 10.659.990 lítrar.

Greiðslumark verðlagsársins 2013 hefur verið ákveðið samkvæmt tillögu SAM 116 milljónir lítra. Allt frá verðlagsárinu 2008 – 2009 hefur greiðslumark dregist saman milli ára og er því ánægjulegt að þróun í sölu mjólkurafurða innanlands gefur nú tilefni til að auka greiðslumarkið í fyrsta sinn í nokkurn tíma.

Sala mjólkurvara árið 2012 verður að teljast góð og varð aukning í sölu bæði á próteingrunni og fitugrunni. Umreiknuð sala á próteingrunni nam um 115,5 milljónum lítra sem var aukning um 1,8 milljónir lítra frá síðasta ári. Umreiknuð sala á fitugrunni var um 114,1 milljónir lítra, sem var aukning um 2,6 milljónir lítra frá fyrra ári. Sala á fitugrunni árið 2011 var því 1,3 milljónum lítra undir sölu á próteingrunni og minnkaði munurinn um 0,9 milljónir lítra á árinu. Vænta má þess að sala á fitu og próteini verði nokkurn veginn í jafnvægi á árinu 2013 verði þróunin með sama hætti og verið hefur.

Innflutningur mjólkurafurða jókst um 26,9 tonn á milli ára. Aukningin var mest í innflutningi á ostum en einnig nokkur í innflutningi á jógúrt. Innflutningurinn á árinu 2012 samsvarar um 220.000 lítrum af mjólk á próteingrunni og um 160.000 lítrum á fitugrunni.

Útflutningur mjólkurafurða jókst talsvert á árinu 2012 eða um 22,9 %. Mest var aukningin í útflutningi á ostum og skyri. Útflutningur á skyri jókst um 34,8% á árinu og var 522 tonn. Þá jókst útflutningur á osti úr 133 tonnum í 348 tonn á árinu.

### **FRAMLEIÐENDAPJÓNUSTA**

Framleiðendapjónusta við mjólkurframleiðendur er rekin hjá SAM. Hjá framleiðendapjónustunni starfa þrír mjólkureftirlitsmenn. Starfsemi þjónustunnar var með svipuðu sniði árið 2012 og verið hefur. Á síðustu vikum starfsársins var sett á stað vinna með það að markmiði að efla og styrkja framleiðendapjónustuna og er að vænta niðurstöðu þeirrar vinnu á árinu 2013.

### **RANNSÓKNARSTOFA SAM**

Á árinu 2012 fjárfesti SAM í nýjum tækjum til greiningar á jógurbólgugerlum í mjólk. Um er að ræða tæki sem tegundargreina jógurbólgugerla út frá erfðatækni. Þessi greiningaraðferð hefur verið notuð um nokkurra ára skeið í nágrannalöndum okkar og hefur gefið góða raun. Tæknin er mun nákvæmari og hraðvirkari en hefðbundin ræktun í skálum. Vonir standa til að þessi fjárfesting muni nýtast mjólkurframleiðendum við að bæta jógurheilbrigði og þar með mjólkurgæði.

Rekstur rannsóknarstofu gekk að öðru leyti fram með hefðbundnum hætti á árinu og vísast þar um síðar í ársskýrsluna.

Febrúar 2013

Jóhannes Ævar Jónsson stjórnarformaður